

Matumuuna Inatsisartut Suleriaasianni § 33 najoqqutaralugu aalajangiiffigisassatut siunnersuut tullinnguuttoq Naalakkersuisut saqqummiuppaat:

Aningaasaqarnermut tunngasunik ingerlataqarneq pillugu inatsisip allanngortinnissaa pillugu inatsimmi § 1-imik Kalaallit Nunaannut atuutsitsilernissaq pillugu peqqussut pillugu Inatsisartut aalajangiiffigisassaattut siunnersuut (Ernianut aarlerinaataasunut tunngatillugu taarsigassarsisitsisarfinnut ingerlatseriaatsit nutaat, pisorta qarfinni siulersuisunilu suaassutsinut ikinnerussuteqartunut kisitsisit anguniakkat, aningaasaqarnermi nioqputigisat nutaat neqeroorutiginerinut atatillugu ingerlatseriaatsit nutaat, pisortanut aamma siulersuisuni ilaasortanut piukkunnassusermut aamma assuarnaassusermut piumasagaatit, kiisalu soraarnermut atatillugu aaqqiissutinik il.il. tamanut saqqummiussisarnerit)

(Aningaasaqarnermut Akileraartarnermullu Naalakkersuisoq)

Tunngaviliissut

Aningaasaqarnermut tunngasunik ingerlataqarneq pillugu inatsit pillugu peqqussummik nutarsaanissaq peqqussummut allaqqaakkamut matumunnga siunertaavoq. Allannguutaasup aningaasaqarnermut tunngasunik ingerlataqarneq pillugu Danmarkimi inatsisaasumut allannguutissatut inatsisit arlallit Kalaallit Nunaannut atuutilersippai.

Aningaasaqarnermut tunngasunik ingerlataqarneq pillugu inatsit aningaasaqarnikkut suliffeqarfinnut tunngavoq, soorlu ilaatigut GrønlandsBANKEN-itut aamma SISA-tut ittunut.

Aningaasaqarnermut tunngasunik ingerlataqarneq pillugu inatsit 2004-mi Kalaallit Nunaannut atuutilerpoq, peqqussummillu allannguutissatut siunnersuutini taakkunaniipput nutarsaanerit arfineq-pingasut, 2021-mit 2023-p tungaanut Danmarkimi inatsisaasumi pisimasut.

Maannakkut inatsisaasunik nutarsaanernut tunngaviusoq ilaatigut isigineqassaaq naalagaaffiit akornanni kattuffiup FATF-ip (*Financial Action Task Force on Money Laundering*) atani suliaqaqatigisanik nalilersuineri 2027-mi Kalaallit Nunaat aamma Savalimmiut peqatigalugit Danmarkip ingerlataqarnissaanik. 2017-imi naalagaaffeqatigiinneq kingullermik nalilerneqarpoq, nalunaarummilu Danmarkimut, Savalimmiunut aamma Kalaallit Nunaannut inatsisaasut aqutsinerillu assigiinngitsuusut malugineqarput.

Peqqussummik aaqqiissuussinerit siamasissunut tunngasuupput, ilaatigut pineqarlutik siulersuisuni imaluunniit pisorta qarfinni suaassutsinut ikinnerussuteqartunut kisitsisit anguniakkat, soraarnermut atatillugu aaqqiissutinik tamanut saqqummiussisarnerit, nioqputit nutaat neqeroorutiginerinut atatillugu ingerlatseriaatsit akuersissuteqartarnerillu, Aningaasaqarnermut Nakkutilliisoqarfiup pisortatut imaluunniit siulersuisuni ilaasortatut piukkunnassusermut aamma assuarnaassusermut piumasagaataasunik nalilersuineri, kiisalu pisortanit sumigiinnaasoqarnermut atatillugu pineqaatissiisarnerit.

Siunnersuummi pingaarnertut imarisat

Peqqussutitigut taarsigassarsisitsisarfiit niuernermut tunngasuunngitsutut suliarisanut ernianut aarlerinaataasunik suussusersinissamut, nalilersuinissamut, aqutsinissamut pinngitsuuisitsinissamullu aaqqiissutinik atuutsitaqalernissaat pillugit piunasaqaat ilanngunneqassaaq. Tamanna aningaasaqarnermi naleqquttuunngitsut pinngitsoortinnissaannut taarsigassarsisitsisarfinnut sakkussanik pitsaanernik malitseqassaaq. Taarsigassarsisitsisarfiit aaqqiissummik nammineq pigisaminnik suliaqarsinnaapput, imaluunniit nalinginnartut periusaasoq atorsinnaallugu.

Aningaasaqarnermut tunngasunik ingerlataqarneq pillugu inatsit aamma imatut annertusissaaq, aqutsisoqarfimmi aamma siulersuisuni suaassutsinut ikinnerussuteqartunut kisitsisit anguniakkat aalajangerneqassallutik, imaluunniit kisitsisit anguniakkat aalajangiunneqareersut annertusisinneqassallutik. Tamanna pissaaq 40/60 procentinik suaassutsini naligiissumik agguataarinerup angunissaa tikillugu. Piffissamut tunngasumik pisussaaffeqanngilaq, taamaattorli kisitsisit anguniakkat anguniagaqarfiullutillu piviusorpalaartuussapput.

Aningaasaqarnermut ingerlatsiviit aamma tamaaneereersutut nioqquteqarfigisanut pissutsinut attuumassutilittut paatsuugassaannngitsutut kinaassusersissutitut inuup normuinik atugaqartarnissaannik pisussaaffilerneqassapput. Siusinnerusukkut tamanna pisinnaasutut akuerisaasimavoq, peqqussutilli najoqqutassaaq erseqqillunilu paatsuugassaannngitsoq pilersippaa.

Nioqqutigisanik kiffartuussissutinillu nutaanik akuersissuteqartarnernut sunniuteqarluartunik ingerlatseriaatsinik aningaasaqarnermut tunngasut aamma taarsigassarsisitsisarfiit atugaqartitsilissapput. Taamaallutik aningaasaqarnermut ingerlatsiviit nioqqutigisanut nutaanut akuersissuteqarnermik ingerlatseriaaseqarnissaq qularnaartussaassavaat. Aningaasaqarnermut ingerlatsivimmut, kiisalu aningaasaqarnermut nakkutilliisoqarfimmut nioqqutit naleqqutinngitsut suussusersinissaanut ingerlatseriaaseq pisariinnerulissaaq.

Atorfigisamik isumaginnissinnaanermut piukkunnassusermut aamma assuarnaassusermut piunasaqaatitut katersanut pisortat aamma siulersuisuni ilaasortat malittarinnittuunerannik Aningaasaqarnermut Nakkutilliisoqarfiup aalajangiisarnissaa peqqussutit aalajangerpaa, tamanna siusinnerusukkut tassaasimavoq aningaasaqarnermut ingerlatsiviup nalilersuutigisarsimasaa. Tamatumunnga Aningaasaqarnermut Nakkutilliisoqarfik inunnut pineqartunut taakkununnga paasissutissanik pissarsiorsinnaavoq, soorlulusooq taanna piukkunnassusermut aamma assuarnaassusermut piunasaqaatinut malittarinnissannngippat inummik erseqqinnerusutut aalajangerneqartumik atorfinitsitaqarnissaq Aningaasaqarnermut Nakkutilliisoqarfiup itigartitsissutigisinnaallugu.

Piunasaqaatit ilaatigut tassaapput aningaasaqarnermut ingerlatsivimmi siulersuisuni imaluunniit pisortaqarfimmi ilaasortap naammattumik ilisimasaqarnissaa, sulianut tunngasumik piginnaasaqarnissaa, aammalu inuussutissarsiummik isumaginninnissamut misilittagaqarnissaa,

soorlulusooq inuk pitsaasumik isumaqarfigineqassalluni, aammalu inuup suliarisaminik toqqissisimanartutut ilusilimmik isumaginninnissaanut aarleqqutaasumik nassataqartitsisumik inuk siusinnerusukkut pillagaanermik akisussaaffilersimassanani.

Peqqussutip soraarnermi piumasaqaatinik nassuiaat atuutilersippaa, tamatuma kingornatigut soraarnermi piumasaqaatit tassaalerlutik soraarnermut atatillugu aningaasarsiarinngisatut imaluunniit sulisunut ajunngitsorsiassaannngitsutut pissarsiarineqartutut akiliutigineqartut suulluunniit. Aamma soraarnermi aaqqiissutinik aningaasaqarnermut ingerlatsiviit tamanut saqqummiussisarnissaat pillugu piumasaqaat atuutilersinneqassaaq.

Aamma suliffimmi pisortaqarfittut oqartussaasoqarfiup siulersuisut akissarsiaqartinnerinut tunngatillugu akissarsiarititanut nalunaarussiaq suliaralugu tamanut saqqummiutissavaa. Tamanna siulersuisuusut aningaasarsiaqartitaanerit pillugu tamanik ersarissitsinermik qularnaarissaaq.

Sillimmasiisarfitut suliffeqarfimmi pisortani pisortatut sakkortuumik mianersuaalliortumik, imaluunniit piaarinikkut sumiginnaassusermik pisuussuseqartumik erseqqinnerusumik pineqaatissiinerit aalajangerneqassapput.

Aammattaaq ilatigut ajoqusernermut sillimmasiisarfitut ingerlatseqatigiiffinnut qularnaveeqqusiinermut aningaasaateqarfik pillugu inatsimmut nutaamut, aamma peqquserlulluni aningaasanik malunnarunnaarsaasarneq pillugu inatsimmut naleqqiullugit malittariissitatut naqqiissutit arlalippassuupput.

Pisortanut aningaasatigut kingunerisinnaasat

Nunatsinni oqartussaasoqarfinnut siunnersuut pingaarutilinnik aningaasatigut kingunerisaqassasoq naatsorsuutigineqanngilaq.

Inuussutissarsiorfimmu, innuttaasunut il.il. aningaasaqarnermi aqutsinermilu kingunerisinnaasat

Aningaasaqarnermut ingerlatsivinnut peqqussut annertuumik aningaasaqarnermi kinguneqassasoq naatsorsuutigineqanngilaq, taakku malittarisassianik annertuumik malittarinnereernerat nalilerneqarmat.

Niuernermut tunngasuunngitsutut suliarisani ernianut aarlerinaataasunik nalilersuinermut, aqutsinermut pinngitsuuisitsinermullu aaqqiissutinik nutaanik atuutsitsilernermut atatillugu aningaasaqarnermut ingerlatsivinnut annikinnermik aningaasartuuteqassasoq naatsorsuutigineqartariaqarpoq, tamannali aningaasaqarnermut ingerlatsiviit taakku nalinginnartut periutsumik atugaqarnissamik toqqaassappata annikillisarneqarsinnaavoq.

Ilaatigut peqqussutip nassatarisaatut nioqqutinik nutaanik akuersissuteqarnerit pillugit ingerlatseriaatsinik nutaanik suliaqarnermut atatillugu aningaasaqarnermut ingerlatsivinnut taakkununga annikinnerusunik aningaasartuuteqassasoq naatsorsuutigineqartariaqarpoq.

Aningaasaqarnermut ingerlatsivinnut ataasiakkaanut aningaasaqarnermi aningaasartuutit 100.000 koruuninik qaangiissanngitsut nalilerneqarpoq, pineqarmata suliffiup iluani ingerlatseriaatsinik suliarisat, imaluunniit inatsimmut naleqqiullugu suliffiup iluani ingerlatseriaatsit tamaaneereersut uppernarsaassutinik atugaalersiinnarnissaat.

Siunnersuut innuttaasunut aningaasaqarnermi kingunerisassaqaanngitsoq naatsorsuutigineqarpoq.

Tusarniaaneq

Siunnersuut piffissami xx.xx.xxxx-xx.xx.xxxx-imi tusarniaaffigisartakkanut toqqartukkanut tusarniaassutigineqarsimavoq, aammalu www.naalakkersuisut.gl-imi tusarniaasarfimmi tamanut saqqummiunneqarsimalluni.

Ilanngussat

1. Aningaasaqarnermut tunngasunik ingerlataqarneq pillugu inatsisip allanngortinnissaa pillugu inatsimmi § 1-imi Kalaallit Nunaannut atuutsitsilernissaq pillugu peqqussut pillugu siunnersuut (Ernianut aarlerinaataasunut tunngatillugu taarsigassarsisitsisarfinnut ingerlatseriaatsit nutaat, pisortaqarfinni siulersuisunilu suaassutsinut ikinnerussuteqartunut kisitsisit anguniakkat, aningaasaqarnermi nioqqutigisat nutaat neqeroorutiginerinut atatillugu ingerlatseriaatsit nutaat, pisortanut aamma siulersuisuni ilaasortanut piukkunnassusermut aamma assuarnaassusermut piumasqaatit, kiisalu soraarnermut atatillugu aqqiissutinik il.il. tamanut saqqummiussisarnerit)
2. Aningaasaqarnermut tunngasunik ingerlataqarneq pillugu inatsisip allanngortinnissaa pillugu inatsimmi § 1-imi Kalaallit Nunaannut atuutsitsilernissaq pillugu peqqussummik eqikkaaneq (Ernianut aarlerinaataasunut tunngatillugu taarsigassarsisitsisarfinnut ingerlatseriaatsit nutaat, pisortaqarfinni siulersuisunilu suaassutsinut ikinnerussuteqartunut kisitsisit anguniakkat, aningaasaqarnermi nioqqutigisat nutaat neqeroorutiginerinut atatillugu ingerlatseriaatsit nutaat, pisortanut aamma siulersuisuni ilaasortanut piukkunnassusermut aamma assuarnaassusermut piumasqaatit, kiisalu soraarnermut atatillugu aqqiissutinik il.il. tamanut saqqummiussisarnerit)